

Ribarski skup u Bjelovaru

U Bjelovaru je 11. juna održan veliki ribarski skup na kome je prisustvovalo preko stotinu ribarskih stručnjaka i predstavnika ribarskih organizacija iz cijele Jugoslavije. Organizator ovog skupa je bila Poslovna zajednica slatkvodnog ribarstva Jugoslavije, a domaćin »5. MAJ« Bjelovar, OOUR Prerada. Obavljena su tri važna zadatka i dogovora: razgledanje i upoznavanje s novosagrađenom linijom za proizvodnju hrane za ribu u Tvorници stočne hrane, sastanak stručnih sekcija za šaransko i pastrvsko ribnjačarstvo Ribozajednicae i sastanak Grupacije slatkvodnog ribarstva Opštег udruženja za poljoprivredu i prehrambenu industriju Jugoslavije.

Razgledanje Tvornice stočne hrane i nove linije za proizvodnju hrane za ribu je započelo prijemom gostiju i zakuskom u tvorničkom restoranu. Tu su gosti upoznati s osnovnim podacima i kapacitetom ove velike bjelovarske radne organizacije »5 Maj«, njenog OOUR-a Prerada, Tvornice stočne hrane, a posebno s novom linijom za proizvodnju hrane za ribu. Obilaskom i razgledanjem te linije, predstavnici ribarskih organizacija iz cijele Jugoslavije su se uvjerili da je stvorena solidna tehnička baza za proizvodnju svih vrsta kvalitetne riblje hrane. I prisutni predstavnik poznate evropske firme za proizvodnju hrane za ribu TROUV g. Helder, tehnolog filijale u Veroni, je potvrdio i izrazio uvjerenje da će se u novoj liniji moći postići potrebna kvaliteta riblje hrane. On je izrazio spremnost svoje firme da i dalje najtješnje surađuje s tvornicom Bjelovar.

Poslije razgledanja pogona »5 Maja«, održan je zajednički sastanak stručnih sekcija za šaransko i pastrvsko ribnjačarstvo pod predsjedništvom dr inž. Đorđa Drecuna. Održani su vrlo uspjeli stručni referati sa plodnom raspravom. Profesor dr Nikola Fijan je

procitao svoj referat o hranidbi riba u šaranskom i pastrvskom ribnjačarstvu, magistar Stjepan Katić o tehnologiji proizvodnje hrane za ribu, magistar Drago Korošec o problemu kisika i aeraciji vode u intenzivnom uzgoju riba, a Ljubo Vujačić o rezultatima proizvodnje ribe u 1979. godini. (Ovi referati će biti objavljeni u našem časopisu). Profesor Nikola Fijan je prikazao velik broj dijapočita sa svoje posjete ribnjačarstvima Thailanda i Indije, što je popratio uspješnim stručnim komentarima. Prisutni ribari su to pratili s velikom pažnjom, mnogim pitanjima i komentarima.

Poslije pauze od godinu dana, ovaj zajednički sastanak stručnih sekcija je toplo pozdravljen od svih učesnika i ocjenjen kao vrlo uspio i koristan.

Na kraju ovog obimnog programa je održan sastanak Grupacije slatkvodnog ribarstva pri Opštem udruženju za poljoprivredu i prehrambenu industriju Jugoslavije. Sastankom je rukovodio inžinjer Dragan Kovačić predsjednik grupacije i predsjednik Koordinacionog odbora ribarstva Opštег udruženja uz asistenciju inžinjera Vojina Kosanovića iz Opštег udruženja. Na sastanku su donešene dvije važne odluke. U prvoj je prihvaćen novi Samoupravni sporazum o organiziranoj proizvodnji ribe i kriterijima za formiranje cijena kao i cijenama, a u drugoj odluci je odlučeno o organizaciji takmičenja za visoke prinose ribe u 1981. godini. Ovo takmičenje bi se provelo u okviru Opštег udruženja, njime bi rukovodio posebni odbor koji je izabran, i koji će utvrditi propozicije takmičenja.

Ovaj ribarski skup je završen kasno popodne zajedničkim ručkom i ugodnim raspoloženjem, uz izraze zahvalnosti gostoljubivim domaćinima za dobru organizaciju.

Dipl. inžinjer Cvjetan Bojčić